

# Chinese Philatelic Society Monthly

15th Feb. 1929.

Vol.1 No.4

# 中華郵票會 郵學月刊

第一卷 第四號

版權所有 不許轉載

寄售處 上海棋盤街商務印書館

印刷者 義利印刷公司

總發行所 上海北山西路德安里一四三號集古社 朱世傑

編輯者 中華郵票會

中華民國十八年二月十五日發行  
中華郵票會郵學月刊第一卷第四號

行三角五分計算	每行廿二字三行起碼計大洋一元三行以上照每	四分之一	每次三元	半年六次	十五元
		半面	每次五元	半年六次	廿四元
		全面	每次八元	半年六次	卅六元
		廣告價目			
定價表		零售	每册大洋一角郵費另加		
		全年	十二册大洋一元二角連郵費		
		會員定閱	每全年減售一元連郵費		

## 論玻璃紙套之利弊

罕貴之票。用玻璃紙套。始於近十年內。而反對與贊成者。各執一詞。頗爲集郵者所注意。吉本司月報曾兩存之。乃者最後定論。則贊成者得勝。足知此套苟善用之。實有利而無害也。茲將其論文一篇。譯載本刊。并附今覺君按語於後。以供郵學家之參考。

吉本司月報曰。吾人批評一般有關公衆利益之事。常欲持之以大公。使無所偏倚。曩見某種玻璃紙套。往往損及郵票。或致玷染油質。或因緊束而有縐痕。以故曾數次批評其不善。頃得狄克遜少將函。極言其有益無損。狄氏數以佳作貺本報。當爲閱者所素諗。今於紙套。其立論又出自另一方面。觀察之所得。同人深幸藉此機會。對斯流行廣溥之郵學附屬品。得以貢獻一良有見地之辯護焉。此外又接路巽達氏函。路爲瑞典名郵家。據述曾用法製玻璃紙套。保藏其近世英殖民地郵票。成效彰著。蓋此紙

套內附黑色紙一枚。先將郵票聯附紙上。然後透入透明封套中。

又有哈禮氏圖書公司。(即英倫代本會分銷郵乘者)屬本刊爲之宣布其所出口之紙套。不論封套與襯紙。俱絕不含有絲毫油質。吾輩於此亦樂爲之發表。因購者既有此宣言爲保障。儘可放心採買。不復有誤購危險紙套之虞。至此類危險紙套。即本報向所批評其流弊者。顯必充斥於市上無疑也。

茲將狄少將來函照刊於下

吉本司月報主筆先生台鑒。本期貴報載有一文。論列玻璃紙套之流弊。鄙人乃一常用紙套者。能許其一言以爲之辯護乎。語云。十人之中。有一善人在焉。則斯羣也。已有主者拯救之價值。但今之斥紙套者。似其立論。乃與此格言相反。以爲苟一社會中。每百人有一惡人在。則其價值已不足語夫拯救。是毋乃不可乎。縱令惡劣之紙套。誠有傷損郵票之事。然則用惡劣之膠紙。或其他郵學附屬品。

豈能免於同一之弊點耶。設有人焉。用惡劣之膠紙。而傷損其郵票。豈可視為充便分理由。廢棄膠紙之制。而反用舊式之粘貼法乎。今紙套之發明。確在郵學進化史上。更進一步。如有缺點。改良之可矣。不能併其原則而廢棄之也。

余曾用紙套保藏吾較珍之郵票者有年。當夫遠戍異邦。駐所靡定。行篋之搬徙無時。又值印度暑濕之鄉。而保護吾郵便不稍損者。皆紙套之功。鄙人自見貴報所言之弊點後。曾將所有紙套。每束各取數枚。熨以熱烙鐵。而結果並無見其有不堪為此郵學珍寶託身之所者。所以余殊不信法國最新式之斐拉紙套 French Phila Pochett。及哈禮士公司新出之英國紙套。有可以為人指摘之處也。至貴報所稱縐痕之弊。乃由於紙套太小所致。凡套郵票以紙套。不可用力塞入。倘覺不易送進。可易一稍大之套。好在紙套種類甚多。其長闊各差一種。甚易擇一相當大小者。苟用套者於此稍加謹慎。決無捲邊縐折之弊。

再所稱郵票藏入紙套後。不易鑒別其精微處一層。竊謂普通之審鑑。如刷色水印等。皆在套外可見。若更欲為精細之鑒別。不難用鉗取出。事畢而後重入之。且用紙套。則郵票上不復有有繫聯物。自視粘綴於郵冊上者。更易作精密之審鑑矣。

紙套之制。於保護郵票上。實有非他術如襯紙活頁 *no backed leaf* 等所能企及者。以襯紙活頁。僅能減少擦傷之虞。不能如紙套之免除外界磨擦也。再者。遇郵學界外人。鑒賞郵票時。往往似有一不可抑遏之慾望。輒欲以指端猛擦郵票。以驗紙質之優劣。夫以郵集出示一非郵學中人。固非常見之事。然有時要亦為勢所難免。則於此際有紙套以保護吾郵。定可令人安心不少。鄙人以此非常傾倒紙套制。將其所有郵票。不問為珍品為普通品。悉盛入此保護袋內。此是不僅擴張郵集之外觀。且覺吾此日之精英。已處於安全之地。不受濕氣之侵襲。不虞磨擦之損傷。更可免於非郵學家粗暴之手矣。順

頌撰社。

陸軍少將狄克遜上。

今覺按。關於玻璃紙套之利弊。余於郵具篇中。曾略道之。大抵紙套如非極劣者。無不可用。所最宜注意者。惟在其中之一片黑紙耳。無論如何佳套。即如法之斐拉。英之哈禮士。其套內黑紙。皆不可靠。必盡易最上等乃可。凡以紙套藏票者。必須黑紙大於郵票。而紙套又稍大於黑紙。庶玻璃紙收縮時。不致起縐。余曾以徑寸之黑紙。貼一極小之單票。置於玻璃紙套中。其後玻璃紙因收縮而起縐紋。而票亦隨之凸凹。故知此點宜注意也。再內地玻套難得之處。苟有玻紙。亦可自製。其自製也。不必製成套形。但取小方塊玻紙。與郵票斜對角反拆於背後。而以膠紙粘之。法簡而效則同。惟選紙宜慎。余曾見一種德國玻紙。質韌而明。勝於普通者十倍。且不甚收縮起皺。此紙為糖果店用以裹糖盒者。若取以套郵票。則佳妙無匹。惟富於彈性。不易養平。最宜用於大方連。而於單

票則稍遜焉耳。

### 中國商埠郵票圖鑑(四)

今覺

#### 版式

鎮江票印刷頗精。在一張中。各個票之版模。大率相同。而無記號可以尋出。故其版式頗不易考。茲僅就第一次一分票之版式。略加考論。以證明鎮江票為銅版所印而已。又此所謂銅版者。乃從鋼製母模產出之銅版。與華郵中海關第一次票同理。非現今之網目銅版也。

一分票。計五橫排。每同一橫排之版式皆相同。茲將其中特異之記號指出如下。

第一排 塔尖有一橫斷裂縫。切塔尖為二。

第四排 右邊1字之右下角。有一藍色小點。

第五排 第二四七八九十各票。其右上角壹字之下方。有一小藍點。

就以上版式而論。可見其母模為一行五枚直長連之版。

以此一行母模。連印十次。而成一全版。其第五排之記號。不能各票一律者。則或因母模製成子模時。壓力輕重不勻。故其小點有現有。或不現。或因其點過於微小。於印刷時碰斷之。皆未可知也。

**變體**

此一類票。只有中縫無齒之變體。余所見者。計有三種如下。

半分直雙連。中縫無齒。五分橫雙連。中縫無齒。六分橫雙連。中縫無齒。

十五分票。余見有完全無齒者。惟其紙質較尋常者微厚。恐是試印票 Proof 耳。

**第二次正式票**



圖 2 八九五年三月至四月。其圖案略有更易。如圖 2。天上有雲。而江中

第二次正式票發行之期。約在一年。有不規則之浪紋。其上端鎮江工

部四華文字。亦稍有不同之處。幅積亦稍加大。為縱廿九。橫廿四。惟紙質齒度。及每全張之枚數。則皆與第一次相同。其種類刷色如下。

- 半分玫瑰色
- 一分藍色
- 二分棕色
- 四分黃色
- 五分綠色
- 六分青蓮色
- 十分橘紅色

其刷色亦各有種種深淺之不同。

**變體**

此一類票。並無變體。惟間或見有複齒者而已。

**第一次加蓋欠資票**

在一八九四年十二月之頃。書信館感覺欠資票之不可少。乃將第一次票及後印之有雲十字。五分票。取而加蓋欠資。上兩排為英文。下一排為華文。如圖 3。初時加蓋



圖 3 之墨。全用紅色。嗣見半分十分十五分等票。刷色亦近於

紅。以紅加紅。嫌其不甚明顯。乃又改用黑色。而已加蓋紅色之票。則取而更以黑色覆蓋於上。於是遂有紅黑複蓋

之變體。然在未覆蓋黑色之前。其半分紅色加蓋票。已有多數用出。及落於集郵家之手者。故至今只有半分一種有單獨紅色加蓋之票存在也。

自十二月頃。紅色加蓋。最初出現。厥後幾番更換。至發行純黑色加蓋票時。已至一八九五年正月矣。

### 紅色及紅黑複蓋之變體

鎮江票變體之多。莫過於加蓋欠資一類。其最有研究之價值者。亦莫過於此一類。單就紅色及紅黑複蓋之變體而論。已有下列各種。

半分。紅色倒蓋。上下兩枚。紅色加蓋。一正一倒。  
 上下兩枚。紅黑複蓋。一正一倒。  
 半分至十五分。紅黑複蓋。複蓋兼倒蓋。

十五分。紅色複蓋上。再加黑色一層。即三度複蓋也。此票紅色複蓋痕迹。至為明顯。余信其為印刷時無意而成。非有意為之者。故至可寶貴。

(未完)

### 華郵再奪錦標

莘田

摩那哥萬國郵票展覽會揭曉。華郵之得金牌者。為英國阿格紐氏 A. J. Agnew 得鍍金牌者。為美國施塔氏。得銅牌者。為基拉得氏 J. Girard 阿氏為倫敦皇家郵學會會友。其郵集向無赫赫之名。不知如何乃得居施塔氏之上。惟聞阿氏郵集中。亦有一無雙至寶。即無加蓋之三分紅印花八方連也。此票只見單枚。即雙連者亦未有所聞。今乃發見八枚之大方連。焉得不詫為奇事。又聞阿氏更有一枚紅印花試製票。亦殊寶也。

未完

### 去年世界郵政之統計

去年世界主要各國郵政。有數目字之統計。已經披露而登之郵報者如下。日本儼有與列強頡頏之勢。惟我國則交通阻滯。工潮迭生。不知在世界中當居第幾位也。普通平信。德國為最多。約六十億萬通。法國約五十八億

萬通。日本約四十億萬通。明信片則日本最多。約廿四億萬通。德國約十二億萬通。（萬萬為億）

掛號信。法國最多。約一億五千萬通。德意兩國次之。日本僅六千萬通而已。

包裹以德國為最多。約二億五千五百萬個。英國約當德國之半。日本則只有五千八百萬個。但瑞士則更次於日本。法國更次於瑞士。

代金引換之信。德國居第一位。約八千八百萬通。瑞士一千一百萬通。法國九百六十三萬通。日本為最少。僅七十二萬通而已。

代金引換小包。美國最多。約五千萬個。德國約得美國之半。日本占第三位。約七百四十萬個。瑞士法國皆為四百萬個。

郵票收入之款。美國最多。約十一億七千萬元。（合華幣下同。）英德皆三萬萬元。法國九千萬元。日本八千餘萬元云。

又去年十二個月。新發行之郵票。為一千七百卅八種。而結至去年年底止。世界共發行郵票之總數。共為四萬八千七百零七種云。

### 海市蜃樓

農叔

四分改三分倒蓋變體。為民國四珍之一。合新舊所存者。不過十枚。且皆在著名集郵家手中。此凡讀郵乘者皆知之也。乃於去年春間。忽有一魯君。自北平通信。云有這種變體十枚。皆屬方連。乃其曩任某處道尹時。屬員所餽贈者。余當時私計此十枚。若果為真者。則市價必受影響。且人人懷疑將來或有更多出現者。疑則不敢出價。不敢出價。則價愈落矣。故復函請其先寄一枚來。以便審訂真偽。並舉北平某君作保證人。乃遲之又久。始終不見寄來。且種種盤旋延宕。不知其意何居。於是余乃大疑。遂託余友某君調查其人。並囑而與談判。詎某君按址而往其處。並無魯姓其人者。再問之。則云有一魯姓。月前已往東三省。而余友調查。近十年內某處道尹。亦無姓魯者。此一段遂

成疑案。至今二年。亦未聞此種變體有多數出現之事。吾無以名之。名之曰海市蜃樓。而郵界中之種種機械變詐之事。類乎設局誑騙者。集郵家尤不可大意也。

今覺按。徐慕邢兄新自北平來。云前年秋間有一郵販。持四分暫作三分倒蓋票十餘枚。往長安飯店求售。爲一美國人以每枚廿元之廉價全數購去云云。然慕邢既未目視此票。亦未而遇售此票之人。雖言之鑿鑿。而究竟票之真贋。事之虛實。仍未敢斷言。準之有出必錄之例。附記於此。

### 研究華郵之參考西書 (三)

Provisional Neutrality Stamps (S. C. M. J.) 6d.

Historical notes on 1912 issue. W. Gardner. 6d.

1913-15, London and Pekin Prints, (S. G.

M. C.) 6d.

Do. Some Notes by C. Piens, 1/—

Do. Notes by C. Piens, (A. S. J. XI. 6,) 6d.

'B. R. A.' Stamps (P. J. I.) 1/—

Stamps Surcharged B. R. A. (M. J.) 1/—

Do. by F. J. Melville, 1/—

Notes on the Chinese Postal Service by Paul King. 1/3

An Early Postage Due Provisional, (P. J. G. B) 6d

Cancellations of the Stamps of China, by E.

Widler, 6d

Notes on China Cancellations by E. Widler, 1/—

First Issue, by B. W. H. Poole, 1/—

### 會務報告

一月廿日。在銀行俱樂部開常會。天適盛雨。到會者只十



八人在開會之前。由流通部出示流通票簿。任人選購。雖初次開辦。來票無多。而大眾對此。頗饒興趣。開會時。由董事部提議特約拍賣辦法。全體贊成。且當場即有人預定。二三兩月之特約。其受人歡迎可知。是日拍賣六十二號。

### 本會新創特約拍賣章程

本會每年常會十次。拍賣舉行。亦只十次。而委託拍賣之件。往往紛至沓來。難以應付。然率皆普通品多。罕貴品少。此其癥結。則因普通拍賣規則。雖本人拍回。亦須出佣。設珍品以價高難以脫手。則佣金先已無形損失。故皆裹足而不前。此實其至大之原因也。茲特擬定一種特約拍賣辦法。任票主指定一期。該期拍賣之品。由一人包定。（或數人包定。由一人出名亦可。）每期以一百號為限。佣金以十元為至少之數。若售出價格。超過三百元以上者。則按百分之三遞加。（如四百元收佣金十三元。五百元收佣金十六元是也。）惟以實在售出計算。若係原主買回者。則不計佣。凡刷印及發寄目錄各事。皆歸本會擔認。不另取費。但票主須自將目錄造好。儘早交來。（最好於拍賣前六星期交來。）以便外埠得以週知。而來信定購。其

所拍之票。或有罕貴之品。不欲先期交付。而俟臨拍賣時隨身帶來者。亦無不可。但票之真偽。及品相之美惡。務必詳細註明。且至遲必於本期董事開會時。（本會每一常會之前兩星期。必開董事會一次。）帶來審查一過。以免贗品冒濫。蓋此關本會信用名譽。不得不審慎從事也。

以上特約拍賣辦法。比之交拍賣行家代拍者。價廉事便。所省殆不止什倍。蓋洋行代拍。取佣甚多。每次至少非一二百金不辦。即原主自己拍回。亦一律計佣。不稍減讓。從未聞只費區區十元。即可舉行拍賣一次。而一切手續。不勞自辦。一切雜費。不須自出者。此真破天荒之大廉價矣。不獨此也。本會於本外埠中西集郵家及郵商等。無論會員非會員。無不週知博曉。代發目錄。效力自然廣遠。更可於機關雜誌郵學月刊上。代登義務告白。不另取資。此又豈拍賣行家所能為所肯為乎。故自本章程發表後。聞者無不贊成。陽歷二月三月兩期。已為李輝堂朱世傑兩君預定。凡我同志。如有珍品欲付拍者。幸早日預定。以免額滿見遺也。（但預定者。須先付定洋五元。）

## 廣告欄

### 增訂中國集郵圖譜通告

本社自出版朱世傑君所編之華郵圖譜風行全球以來早蒙集郵界同聲贊許購者踴躍毋庸贅述茲本社參於新出華郵甚夥極應加入是譜故已商請朱君蒙已首肯計編定十全頁為（一組）此編非獨新出各票即海關萬壽初印以及明信片代封票等無不續增篇幅附註中西說明印有照相銅版俾可加入是譜以窺全豹期成大全如已購過初版圖譜者更不可不備一組以資加入而臻完美也

增訂中國集郵圖譜每部定價洋五元并贈目錄一册

（郵費國外五角國內一角三分）

編增華郵十全頁（為一組）每組定價洋一元

（郵費在內）并贈目錄一册

華郵目錄每册定價洋四角（郵費在內）

活頁可加入圖譜內備用每打定價洋二角（郵費在內）

樣本說明書函索附郵十分

本社專收賣各種罕貴華郵兼西郵并經售一九二九年美國司考脫目錄特裝有 A C B 標類每部六元平裝厚布面每部四元半郵費在內

## 集古社啓

上海北山西路德安里（郵箱四）  
七街門牌第一四三號（四四號）

## 請用保護票袋

此袋為比國出品用特製紙造成凡新郵票裝入此袋可保護票面永遠新鮮如遇潮霉天氣可保護背膠無融化黏之虞且郵票裝入此袋貼入簿冊時所用膠水紙可毋須貼於郵票之背尺寸則大小齊備可從心所欲洵集郵家不可不備之良品也

### 注意

查此玻璃紙袋曾於五年前到過一批轉瞬即已售罄今英國 *W. G. Hill* 亦有出售但每百枚須三先令外加寄費手續周折殊感不便敝友有鑒於斯特從比國帶來若干袋以貢獻於國人之集郵者

### 售價

每袋一百枚有四五種大小價大洋二元寄費在內掛號另加五分五袋之上九折計算指定尺寸揀購每百枚加價二成

上海經理處南門俞家弄十四號葉頌蕃